

Kvenna listinn

07.14

Fréttatilkynning:

Vorþing Kvennalistans á Selfossi

Kvennalistakonur komu saman til árlegs vorþings dagana 3. - 5. júní sl. Þingið var að þessu sinni haldið á Selfossi, þar sem Gesthús hf. bjóða upp á gistingu og mat í fallegu og notalegu umhverfi. Sigríður Jensdóttir kvennalistakona, forseti bæjarstjórnar Selfoss, tók á móti hópnum og bauð ásamt Sérleyfisbifreiðum hf til kynnisferðar um Selfoss. Virtist af þeirri ferð nokkuð augljóst, að kvenlegar áherslur hafa fengið að njóta sín við stjórnun bæjarmála á undanfönum árum.


Meginefni vorþingsins var staðan að loknum sveitarstjórnarkosningum og undirbúningur undir næstu alþingiskosningar. Fundarkonur voru að vonum ánægðar með hlut Kvennalistans í sveitarstjórnarkosningunum í maí, þar sem a.m.k. 16 kvennalistakonur náðu kjöri, 2 af kvennalistum, 8 af sameiginlegum listum og 6 kosnar óhlutbundinni kosningu. Mestu skipti þó, að helstu baráttumál Kvennalistans bar hátt í umræðunni fyrir kosningar, bæði þar sem Kvennalistinn bauð fram sérlista og þá ekki síður í Reykjavík.

Miklar umræður spunnust um það, hvort sérstöðu Kvennalistans væri hætta búin af samstarfi við aðra flokka og til hvers samstarfið í Reykjavík kynni að leiða. Kvennalistakonur hafa nú þegar talsverða reynslu af slíku samstarfi í ýmsum sveitarfélögum, m.a. á Selfossi, þar sem Sigríður Jensdóttir náði kjöri af kvennalista árið 1986, en hefur frá 1990 leitt samstarf þriggja flokka þar með góðum árangri. Konur voru sammála um, að báðar framboðsleiðir hefðu nokkuð til síns ágætis, þegar um væri að ræða kosningar til sveitarstjórnna, það færir eftir aðstæðum á hverjum stað og tíma. Aðalatriðið væri, að áherslur Kvennalistans kæmust vel til skila.

Öðru máli gegnir með landsmálin. Ekkert bendir til þess, að þörfin sé minni nú en áður fyrir sérframboð kvenna og ljóst, að ekki sér fyrir endann á baráttu Kvennalistans fyrir auknu tilliti til sjónarmiða kvenna, fyrir bættum kjörum kvenna og barna, auknu lýðræði í stjórnarháttum og meiri skilningi og virðingu fyrir umhverfi okkar og náttúru. Niðurstöður vorþingsins á Selfossi voru þær, að Kvennalistinn hlyti að leggja þunga áherslu á einmitt þessa málaflokka í næstu kosningabaráttu og þá fyrst og fremst launakjörin, sem eru ekki í neinu samræmi við vinnuframlag kvenna. Vorþingið á Selfossi markaði þannig upphafið að undirbúningi Kvennalistans fyrir næstu alþingiskosningar.

7. júní 1994

F.h. Kvennalistans



Kristín Halldórsdóttir.